



**D. D. Emanuelis Gonzalez Tellez, In Inclyta Salmanticensi  
Academia Collegii Majoris Conchensis Alumni, &  
antiquioris vespertinæ Sacrorum Canonum Cathedræ  
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Quartum

**González Téllez, Emanuel  
Francofurti Ad Moenum, 1690**

Caput II. Idem (a) Vvinton. Bathon. Herforden. Episcopis.

---

[urn:nbn:de:hbz:466:1-74533](#)

ad domum matris rediret, ipsi ad nostram audientiam (c) appellaverunt. Verum quoniam sollicitudini nostrae incumbit excessus & enormitates eorum corrigeret, & ad modum, & formam rectitudinis revocare: f. t. p. A. s. p.m. quāt. si ita est, ut superius est enarratum, præfata mulierem, ne mandatum tuum contemptibile esse videatur, ad domum matris, omni appellatione, & exceptione cessante, redire compellas, & imposita sibi poenitentiā de tanto excessu, postquam ea in domo materna per mensē steterit, ad tertium reverti permittas, & legitimè sibi conjungi.

## NOTÆ.

(a) *P. Aduano.*] Ita etiam legitur in prima collectione, sub hoc tit. cap. 2. De diœcesi Pauiana egi in cap. 7. de judiciis.

(b) *Dona & munera.*] Ulpianus in l. inter donum 146. ff. de v. s. ait: Inter donum & munus hoc interest, quod inter genus, & speciem; nam genus est donum, Laborem à donando dictum; munus species; nam munus esse donum cum causa, utputa natalitum, nuptialitum. Ubi Labecodixit donum donationem ex meta liberalitate factam; munus vero illam donationem, qua in substantia liberalis datio est, sed si nihilominus cum causa, quam si prætermitteremus, gravarem pudore; veluti natalitum, de quo egi in capite... nuptialitum, de quo in præsenti. Nec contrarium probat textus in l. munus 214. ff. dō. v. s. cuius veram interpretationem tradit D. Joseph. de Retes de donat. cap. 2. num. 3. & ideo ut diversa ponuntur dona, & munera in præsenti; per dona enim intelligit Alex. res quas sponsus, vel ejus consanguinei sponsi spe futurarum nuptiarum, & in honorem postea contrahendi matrimonii purè, & absolare donantur, quæ statim in dominium sponsi transferuntur, cùm talis donatio fiat sine illa reservatione, pacto, aut conditione. Hæc donatio cognita fuit jure Digestorum, ut constat ex l. i. s. ff. de donat. l. si sponsus 5. ff. de donat. inter. l. si ante 8. cum sex legibus sequentibus, C. de donat. ante nupt. Et in tantum pura, & absolute olim fuit, ut eti postea matrimonium non sequeretur, donatum repeti non posset, ut apparet ex l. si maritus 10. cum sequenti, C. de donat. inter: quod postea mutavit Constantinus in l. si non verum is. Cod. eod. statuunt talis donatio in sponsam collata habeat tacitam conditionem, si nuptiae sequantur. Quod discrimen juris antiqui & novi agnoverunt, eti breviter, Cujac. ad eundem titulum C. Scipio Gentilis

lib. 4. de donat. inter. cap. 16. & latius prosequitur D. Joseph. de Retes de donat. cap. 22. Munera solemnia dicuntur, que nuptiarum tempore à consanguineis sponsisponse mittuntur, de quibus in l. si plures 12. §. cum tutor 3. ff. de administr. tutor. l. 12. §. sed eti. ff. de tutelle, & ratione, & de his agunt Cujac. lib. 38. Pauli ad edict. in l. tutor 13. §. ult. ff. de administr. tutor. Brissonius de ritu nupt. ad finem, Rewardus lib. 3. var. cap. 13. & lib. 3. conject. cap. 4. Raderus ad Martial. lib. 14. Osvaldus lib. 3. Donelli, cap. 12. littera G. Hæc autem munera solemnia habebant tacitam conditionem, si matrimonium sequeretur, l. 2. C. de donat. ante nupt. & eo non lequuto, repetebantur. Ratio differentia ex eo proveniebat, quia munera hæc nullam aliam causam habebant, quam nuptiae; ideoque illis non sequutis condicebantur: donatio vero simplex facta ab sposo habet pro causa finali liberalitatem, pro impulsiva verò matrimonium; & ita statim contracto matrimonio perficitur, l. cùm te 9. l. si mater 12. C. de donat. ante nupt. ideo eti deficiat causa impulsiva, illam non vitiat, argumento legis cùm tale 72. §. falsam, ff. de condit. & demonstr. Non tamen ex his donis, aut muneribus acceptis ab sponsa præsumitur matrimonium contractum, ut probat Basil. de matrim. lib. 2. cap. ii. num. 6. qui mal accipit textum hunc de matrimonio ratio, cùm de sponsalibus de futuro à fratre contractis tantum agat.

(c) *Amplexata.*] Nec ideo sponsalia de futuro transeunt in matrimonium, ut docent Covarr. de sponsal. i. p. cap. 4. §. 2. num. 2. Basil. lib. 2. de matrim. cap. 12. Id enim tantum copula sequuta operatur, ut probavi in cap. is qui fidem 30. de sponsal.

(d) *Promisit.*] Quæ despontatio nulla erat, propter impedimentum publicæ honestatis, ut probavi in cap. 2. de sponsal.

(e) *Appellaverunt.*] Quia ad Pontificem omisso medio appellare licet, ut probavi in cap. si dno. bns 7. de appell.

## CAPUT II.

Idem (a) Vvinton. Bathon. Herforden. Episcopis.

**E**X litteris venerabilis fratris nostri Cant. Archiepiscopi A. S. L. ad audientiam Apostolatus nostri pervenit, quod cùm G. de S. Leodeg. M. filiam suam (b) absentem eidam juveni R. nomine desponsasset, post modicum quibusdam ipsius mulieris consanguineis procurantibus memoratiis R. cùm ea praesente per verba præsentis temporis contraxit, sicut dicitur, matrimonium, fide hinc inde corporaliter præstata, quod vir mulierem, sicut uxorem legitimam de cætero exhiberet, & ipsa reverenter ei sine contradictione, sicut viro legitimo obediret: nihilque defuit, nisi solemnitas in facie Ecclesie celebranda, quæ propter tempus (c) Quadragesima tunc non potuit effectui mancipari. Postea vero orta suspicione, quod præfatus R. ad alia

D. D. Gonzal. in Decretal. Tom. IV.

T 3

deside-

désideraret vota transire, ad examen fuit dicti Archiepiscopi causa perlata, qui sub ianuam interminatione prohibuit, sicut ex litteris ipsius accepimus, ne antequam de præscripto negotio plenè constaret, vir ad secunda vota transiret: sed ipse prædicta prohibitione contemptâ filiam Hug. de Spolteli, M. nomine, in facie Ecclesiae sibi solenniter copulavit uxorem. Postmodum vero duabus mulieribus, & viro coram Archiepiscopo constitutis, præfatus A. publicè confessus est, se cum Maria, sicut superiori dicitur est, matrimonium contraxisse; & aliam, scilicet Matildam, prava quorundam suggestione seductum postmodum accepisse. Maria vero constanter asseruit, quod pater ejus non moverat de voluntate ejus querelam, adjiciens, quod inter ipsum, & præfatum R. exceptâ solâ fide de contrahendo matrimonio, nulla obligatio intercesserat: quam quia ipse non servaverat, servare minimè tenebatur; & ideo eum illi, quam secundo acceperat, relinquebat. Cum autem præfatus R. tanquam proprius vir restitui postularet, & Archiepiscopus vellet primò de matrimonio cognoscere, ob id maximè, quia mulieres dicebantur esse consanguinitate contingere, ac per hoc tam incestus, quam adulterii vitium timebatur, Maria ad Apostolicam appellans Sedem, vocem appellationis emisit, & festum Circumcisionis proximæ terminum ap. præfixit. Appellationi vero Archiepiscopus deferens, eidem M. sub periculo animæ & excommunicationis interminatione districtius (d) interdixit, ne cui nuberet, donec causa ipsa coram nobis, vel coram delegatis ab hac Apostolica Sede judicibus finem debitum sortiretur. Ipsa ramen deremedio appellationis confusa, cudam alii W. nomine nihilominus nupsit, & super hoc citata coram Archiepiscopo, noluit propter appellationem, quam objecerat, apparere. Cum igitur absentibus partibus non videatur nobis negotium finiendum, ipsum experientæ vestræ, de qua plenè confidimus, committentes, præsentium auctoritate mandamus, quatenus partibus ante vestram præsentiam convocatis, inquiratis diligentius veritatem, & si nihil constiterit, quod impedit, præter consensum, qui inter præfatum R. & Mariam assentitur præcessisse, secunda matrimonia inviolabiliter observanda, sublato ap. diffugio judicetis. Licet enim contra interdictum Ecclesiae ad secunda vota transire nequaquam debuerit, conveniens tamen non videtur, ut ob id solùm sacramentum conjugii dissolvatur: alia tamen poena debebit eis imponi, quia contra prohibitionem Ecclesia hoc fecerunt.

## NOTÆ.

(a) *Vintoniensi.*] Ita habetur in prima collectione, sub hoc cap. 2. & in append. Cœcil. Lateran. cap. 28. & ita legendum esse constat ex cap. 7. de sponsalib. ubi notavi. Rescribit autem Alex. in præsenti his Prælatis Anglia, non vero ipsi Archiepiscopo Cantuariensi, quia cum ab eo appellatione esset ad Pontificem, non poterat ejusdem causa cognitio illi delegari, ex I. eos, C. de appellat. cap. accepita, eod. titul. ubi probavi. Si autem Pontifex in hac causa sententiam dissiuitivam protulisset, rectè poterat ejus

executionem committere eidem jūdici à quo, ut in cap. antecedenti cap. ut debitu 59. de appell. cap. 1. qui filii sim legit, in 3. collect.

(b) *Absentem.*] Pater enim potest pro filia etiam absente sponsalia contrahere, ut probavi in cap. 1. de desp. impub.

(c) *Quadragesima.*] Juxta tradita in cap. Capellanus, de ferius.

(d) *Interdixit.*] Licet enim appellatione interposita, jūdex à quo non possit aliquid innovare circa negotium principale, tamen circa accessoria, & alia, quæ directò non tangunt ipsum, potest statuere.

## CAPUT III.

Idem (a) *Padiano Episcopo.*

**D**E muliere. *Et infrā:* Illos autem, qui præ consanguinitate prohibentur conjungi, & post contra interdictum Ecclesiae se receperint, excommunicationi debes subjecere, donec tamdiu separantur, (b) quousque legitimè cognoscatur, utrum corum matrimonium possit, & debet jure stare.

## NOTÆ.

(a) *Padiano.*] Præsentem inscriptionem ex posui in cap. de muliere 6. de spons.

(b) *Quousque.*] An tunc necessaria sit nova absolutione, exposui in cap. 1. de iudiciis, ubi Balboa n. 67. explicat textum hunc.

## COMMENTARIUM.

**I**nterdictum Ecclesiae circa matrimonium non contrahendum tripliciter intercedere potest: per legem, per Judicem, & per Parochum. Per legem fit, cum ea certis temporibus nuptias celebrati prohibet, ut in cap. non oportet, c. 2. 33. quest.